

MANGPEN GALKAP IHI

We're Soldiers of the King

S.S. 684 | Labupi No. 263

II Timothy 2:3

Daniel Webster Whittle (1840-1901)

Tune: Geo. C. Stabbins

DANIEL Webster Whittle khu November 22, 1840 in Chicopee, Massachusetts khuo ah ana pieng hi. Kum 21 ahi in 72nd Illinois Infantry (Sepoy) ah a lut a, Company-B ah Second Lieutenant dinmun atu a, tua zou in General O.O. Howards toh semkhawm in Major rank in a kaisang hi.

General Sherman toh American Civil War ah galdou in a kuonkhawm ua, Vicksburg ah a galdouna ah Whittle in liemna tuoh in a khut tahlam a mansuota hi. Damdawi inn ah a um a, ahing dam deu in lai sim ding khat a um khahleh chiin a dah a, tuanah New Testament khat a mukha aa, a sim hi. Tam Laisiengthou thute in a lungsim a khoikha mama a, hinanleh Jesu Khrist hundampa a pom ding pen hamsa asa nalai hi. Tua hun lai in pasal naupang khat shi ding a kisa khat a um a, ama a ding a thumsah ding in Whittle a ngen hi. Whittle in aniel a, a hitheilou ding dan a gentah in naupangpan Khristian na hi ka hing thei hi; Laisiengthou na simlai ka mu hi ahi chieng in a niel zoutasih a, thumpi ding in a dingkhie hi. Aman hichiin agen a, “Ka puasuh a, ka khup in ka tu hi. Tam naupangpa khut ka tusuh a, ka khelna ka puongta a, Khrist kung ah ngaidam ka ngen hi. Tam hun apat ngaidamna tang kahi dan ka theikhie a, tuachiin naupangpa a ding in ka thum theita hi. Ka thum zou in naupangpan sip dingdeng in ka khut dettah a tu chinten in ana shita a, Pasion thuchiem ka ngetsah hi. Amai ah hamuonna maitai a kimu thei a, Pasion in Ama kung a hing pulut ding in tam naupangpa ana zang ahidan ka gingta thei va ia sih hi. Van ah ama ka tuoh ngei ding chi ka gingta hi” achi hi.

Tam zou in Whittle khu Elgin Watch Company, Chicago ah pang in Treasurer nna a puo a, Moody mapuina toh tam a nasepna apat hunbit a Pasion nna sem ding in (Full-time Evangelist) ding in a kipekhie a, tuachiin Evangelist minthang mama khat ahing suota hi.

Daniel Webster Whittle in Pasion nna a sepna ah Pasion lasa siemte leh lapuitute zawpi in a asemkhawm zel ua, a kithuopi masahpen khu Phillip P. Bliss ahia, hinanleh Ashtabula, Ohio ah Train accident in a shisan a, nuomtah a Pasianna nasemkhawmte khu a nopsahna uh a beita hi.

Bliss shi zou in Whittle khu James Mc Granahan toh a hing kithuo kia ua, tam James Mc Granahan in Whittle la bawlte 200 lah ah a tamzaw khu a Music abawlsah hi. Mc Ganahan toh Great Britian ah tamveipi zin in Evangelistic Crusade bawl in a zin kawikawi ua, 1890 in Mc Grnahan in a shisan kiata hi.

Daniel Webster Whittle khu Abbie Hanson toh August 22, 1862 in ana kiteng ua, tanu khat Mary (May) 1870 in anei uhi. Atanu Mary (May) zong Pasion nasep lunglut in Apa nasepna ah a panpi zel a, apa la bawlte Music a bawlsah zel hi.

Mary (May) khu 19th Century lai a Evangelist minthang mama D.L. Moody tapa William R. Moody toh a kiteng ua, apa leh a innpipa D.L. Moody nasepna ah Pasion phatna laate sa in a panpitu uh hoitah ahing hita hi.

Tuachiin Major Daniel Webster Whittle khu Leitung galkap (Sepoy) apan zou in Van Mang galkap in a pang kia a, 4th March 1901 in Northfield, Massachusetts ah kum 61 ahi in a it a ngaiteng nuasie in Anna asepi leh a itpen Mangpa kung ah a khawldamta hi.

Tam i latel uh “Mangpen galkap ihi” chi laa khu Whittle in kum 1893 a abawl ahia, Leitung galkap (Sepoy) apangsa ahizieh in Pasion nasemte khu Galkap (Sepoy) toh kibang ihidan a chien mama a, a hing puongkhie hi.

SOLDIERS OF THE KING

1. We're soldiers of the King, Redeem'd and saved by blood,
And now enlisted for the war, To fight for Christ the Lord,
In peril oft are we, But joyfully we sing,
Our hearts made strong by Him who leads, The soldier of the King.

We're soldiers of the King, His praises we will sing,
And we will serve Him loyally, Our Great and Glorious King.

2. We're soldiers of the King, His name we gladly bear,
The Name once nail'd above the Cross, When Christ, our King was there;
We'll count our losses gain, And welcome every sting,
To honor our Lord Jesus' Name, As soldiers of the King
3. We're soldiers of the King, With Him we shall appear,
If we with Him shall suffer now, And His rejection share.
Then lift His banner high, For time is on the wing,
The crowning day is hast'ning on, For soldiers of the King.

MANGPEN GALKAP IHI

1. Mangpen galkap ihi, Sisan a tat hihai;
Mang Jesu dia doupi ding in, Galkap in i kipie,
Shi zauhuoi ah i um, Nanleh nop laa i sa;
Mangpen galkap lienpan i lungsim sung a suhat leng hi.

Mangpen galkap ihi, Phatnan zaila sa vai;
Gin-um in a nna sem leng vai,
I Mang loupipen khu.

2. Mangpen galkap ihi, Amin nuom in i pom;
I Mang Jesun Kross sing dawn ah, I khelna pomangta;
Mangpen galkap ihia, I khelnateng pai vai,
I Mang Jesu min ngai phat in, Gentheina'h zong nuom vai.
3. Mangpen galkap ihi, akung ah kilang vai;
A thuoh natna thuohpi va ui, A lungngainateng toh;
A Kross min suong poulei, Hun sawt nawn vawt tasia,
Loupina ni ding hing naita, Mangpen galkapte di'n.

1. Mangpen galkap ihi, Sisan a tat hihai;
- Eph. 1:7 *“Ajiehpén, Khrist sisan zal a eite hutdam tang ihi ua, a hepina let dungzui in i khelna uh ngaidam ahita hi.”*
- *Hinanleh belamnou gensiet bei leh nieh banglou sisan banga, amanpha mama Khrist sisan a tat na hi zaw uh, chi na thei uhi.*

Mang Jesu dia doupi ding in, Galkap in i kipie,
Shi zauhuoi ah i um, Nanleh nop laa i sa;
Mangpen galkap lienpan i lungsim sung a suhat leng hi.

Mangpen galkap ihi, Phatnan zaila sa vai;
Gin-um in a nna sem leng vai,
I Mang loupipen khu.

2. Mangpen galkap ihi, Amin nuom in i pom;
I Mang Jesun Kross sing dawn ah, I khelna pomangta;
Mangpen galkap ihia, I khelnateng pai vai,
I Mang Jesu min ngai phat in, Gentheina'h zong nuom vai.
3. Mangpen galkap ihi, akung ah kilang vai;
A thuoh natna thuohpi va ui, A lungngainateng toh;
A Kross min suong poulei, Hun sawt nawn vawt tasia,
Loupina ni ding hing naita, Mangpen galkapte di'n.

.....